

甘
寧
青
史
略

第
四
函

甘
寧
青
史
稿

卷一

甘肅書史略正編卷之二十九

民國四年秋七月道尹周務學由玉樹勘界回省

先是民國二年川邊經略尹昌衡請以玉樹隆慶土司歸

隆慶者玉樹土司巴燕囊謙千戶之異稱也隆慶囊謙異名同地一音微轉耳張炳華蜀人也與尹經略表同情而玉樹各族紛紛來甯請願不願歸蜀宣慰使馬麒陳康藏情形若以玉樹歸蜀藏衛侵略從此萌芽並云玉樹二十五族劃歸青海管理此疆彼界與川藏毫無關係今若劃歸川邊錯劃轄地之患小番族攜貳之患其事不上聞比張廣建督甘麒又力陳始命道尹周務學為勘界大員務學因勘界之役深得民心事竣反命當局始洞察其隱乃斷然以玉樹二十五族之衆仍隸甘邊

甯海蒙番宣慰使馬麒命馬麟為玉防支隊司令駐結古寺

先是中央派道員周務學赴玉樹查勘地

界務學調查舊案主張公道請將玉樹番二十五族飭照前清舊例仍歸西甯管理並嚴飭川督及川邊鎮守使迅將駐紮結古稱多等處川兵全數撤退不准再有一騎闖入番地一面頒發佈告宣示德意以安番族以固邊圉事聞中央令准玉樹二十五族仍歸甘肅數年修輯一旦廓清是年中央命馬麒為甯道鎮守使兼蒙宣慰使籌設玉樹理事由西甯往結古寺沿途始設驛站蓋自西甯至結古共一千六百二十里自湟源以西全屬帳幕生活過日月山氣候迥變山頂皆沙質紅色所謂赤嶺者也通鑑開元二十一年丁

西金城公主請立碑於赤嶺以分唐與吐蕃之境從此赴玉長途通常由倒淌河濱而卡
卜恰而窩遜而貢朵淖爾而切吉河口而切吉河腦而班禪玉而班禪玉池而札梭拉而
羊腸溝而欽科奢馬而咱給奢有而禱高拉里色薄而馬拉有而黃河南岸而野馬灘而
野牛溝而哇雲而插拉而休馬而詔他而咱曲河濱而竹節寺而喀耐而歇武而瓜拉而
抵結古至是又命馬麟為玉防支隊司令率
步騎數百駐兵設防與藏人通好信使往還

八月以徐金聲為菸酒總局局長

蘭州產水菸有兩種葉厚而微圓色深綠花簇簇聚
莖端開作黃色名曰藍菸一種葉薄而微尖色碧綠

莖端另抽枝條開花作淡紅色名曰棉菸皆仲春下種仲夏分栽仲冬收採種者除一二
本聽其開花收籽外餘皆摘去頂穗不使開花並去葉間旁枝使之聚力於葉故葉皆大
尺餘而莖止高三尺至仲冬棉菸葉色深黃藍菸葉有黃綠二色綠者秋後連根拔起用
苦覆蓋不令經霜雪故也棉菸每歲約出七八千擔銷路以四川為盛綠色菸俗名碧條
每歲約出二萬餘擔銷路以江蘇為盛黃色菸每歲約出二三千擔銷路以廣東為盛每
擔約重三百斤上下造法棉葉菸多取木色或雜以藍菸葉微用姜黃銀珠染作淡紫色
黃色藍菸用姜黃染之碧條藍菸用紫蔡柳子染之皆以胡麻油加礬鹼合成作偽者或
攪以礬礱石即本草所稱為石膏者取其性涼且沉重壓秤故也而用油則棉菸最多用
姜黃則黃色菸最多用石膏則碧條菸最多造成後售於富商大賈連之以往近因作偽
日甚銷路亦稍滯矣燒酒則隴南徽縣獨擅其利而以蘭州為銷貨場應納出口及落地
稅向歸蘭州道徵收改革後又歸財政廳菸酒為消耗品宜重稅以禁
止之京津滬漢由政府派員收稅歸中央管轄甘肅至是亦仿照辦理

案皇朝通志煙草本名淡巴菰亦稱爲煙酒葉肥大至徑尺俞正雙吃煙事述煙草出於呂宋其地名曰淡巴姑明時山岡海達中國本草備要煙草一名相思草性德淶水亭雜識今所噉煙草孫先憲已言之載於太平廣記有僧曰世尊言山中有草燃煙噉之可以解倦初疑爲蘭州之水菸趙學敏本草綱目拾遺沈君士云水菸真者出蘭州又正韻菸音煙廣韻菸惡草甘人不名爲煙草而稱之曰菸藥性考菸味辛性溫蔡雲白謂蘭州種水菸其葉與此把葉相似與煙葉迥別亦指棉菸而言同州府志崇禎書序嚴禁有三其一蘭州之水菸百草鏡蘭州水菸可以配酒沈君士云蘭州水菸食之性尤峻削豁痰消食開膈降氣惟虛弱者忌服亦解蛇虺毒粵志云蘭州水菸以水注筒吸之令煙從水過云絕火毒然煙味亦減此皆指其功用而言惟張良字謂蘭州水菸以砒夾香油炒成故不能無毒此則傳聞之異辭耳

附錄海甯陳文貞公詠蘭州水菸五律四首其一云神農不及見博物幾曾聞似吐仙翁火初疑異味薰充腸無滓濁出口有氤氲妙趣偏相憶紫喉一朵雲其二云異種來西域流傳入漢家醉人無藉酒款客未輸茶莖合名承露囊應號辟邪開來頻吐納攝衛比餐霞其三云細管通呼吸微噓一縷烟味從無味得情豈有情牽益氣驅朝霧清心却晝眠

誰知飲食外別有意中緣其四云清氣滌昏愁精華任咀含吸虛能化實嘗苦有餘甘燭火寒能却長吁意似耐良宵人寂寞藉爾助高談

慕壽祺曰甘肅燒酒無出口者惟條於一宗在十五年以前每歲出口七萬餘擔稅收所獲六十餘萬元可謂極盛時代矣頃者道途梗塞桑海變遷津滬福建東三省銷場無形停頓商民已不堪其苦而沿途新稅名目繁多當道偷不設法維持恐菸莊行將歇業甘肅又少一筆進款豈不令人可懼哉

九月旅京同鄉秦望瀾等爲甘肅保存會館

北平彰義門內教子胡同有甘肅老館又有新館順治門大街有關中館清康

熙時甯夏趙良棟故宅捐歸陝甘公共地爲舉人應春試者卜榻之地爾時陝甘未分故名曰關中館有碑記可證且甘肅公車晉京時住老館者仍與關中館捐修理費八兩自國體變更陝西人意存壘斷謂關中館與甘肅無涉秦望瀾等數十人向京師地方審判廳起訴判決關中館爲陝甘兩省公共地

案漢之郡國邸唐之諸道進奏院此爲外省與都城聯絡之機關亦卽人民

活動力之所表現有請一代各省府縣在北平多置會館殆漢唐之遺意乎

各省通志均闕而不載惟江西諸志頗能注意於此甘肅距北平稍遠所有

老館新館皋蘭館關中館宜取法江西加繪圖以存其地址錄契據以證其

年代鈔法院覺書以期其爲公共物庶無遺失之患矣

冬十月甯夏防軍統領馬鴻賓駐兵平羅防套匪

平羅與河套鄰民國元年冬哲布尊丹巴在庫倫獨立王德尼瑪卽

響應於後套二年夏甯夏護軍使馬福祥以計擒王德尼瑪獻俘京師未幾有盧占魁者糾合漢蒙無賴照陸軍制編練僞革命軍自稱總司令以錦福趙承恩爲之副錦福蒙古

人承恩即趙油篋子此三人者同心戮力嘯聚亡命購置槍枝縱橫於河套中匪黨稱盧
爲虎威大將軍塞北獨招討時通電於廣東政府民人遇之羣稱爲獨立隊爲獨立隊第
一標第一營營長曰二長條有槍一百三十枝二營營長曰巴銀山蒙古有槍一百二十
五枝三營營長曰李得勝有槍一百零一枝四營營長曰崔寬有槍一百五十二枝五營
營長曰大泡子有槍一百二十三枝以上五營孟占元統之爲盧占魁基本軍第二標第
一營營長曰郭老大有槍一百二十三枝二營營長曰銀錢子有槍一百一十四枝二營
營長曰馬占元有槍一百零七枝以上二營喜陟子統之歸副司令錦福調遣第三標第
一營營長曰弓占元即蒙占元有槍八十三枝二營營長曰日得勝有槍九十九枝三營
營長曰曾大旗有槍一百二十枝以上三營崔永勝統之歸副司令趙油篋子調遣第四
標第一營營長曰趙三有槍八十一枝二營營長曰耳記察哈爾蒙古有槍一百零九枝
三營營長曰阿的雅達頓特蒙古有槍五十三枝以上三營楊金山統之此外又有蒙古
第一營其營長曰朝勒孟伊克昭盟有槍一百五十枝第二營其營長曰色三伊克昭盟
有槍一百一十六枝第三營其營長曰達賴公關東蒙古有槍一百七十枝此三營者其
統領曰白彥公上年響應庫倫與王德尼瑪一致行動共計匪首二十二名正兵三千四
百餘名蓋皆以二百人爲一營不及陸軍定額之一半其槍械一千九百五十一枝就中
以白彥公所部槍枝爲最利係由庫倫接濟而來所稱爲水連珠者也其馬匹則取諸漢
番其旗幟則間以紅黃等色其營規則以不擾民爲宗旨所至之處與民間通慶弔以故
糧秣尙不爲難盧占魁又用籠絡手段與所部同甘苦人願爲之犧牲綏遠各軍當之輒
避馳騁沙漠往來自如福祥聞之曰盧匪豈能死守沙漠一旦侵我腹地平羅其首衝也
正在籌畫間據伊克昭盟盟長鄂爾多斯左翼中旗郡王旗副監長鄂爾多斯左翼後旗

達拉特左翼前旗準噶爾右翼中旗鄂托克右翼後旗杭錦旗右翼前旗烏審旗扎
左翼前旗薩克爾圖請甯夏救援乃令鴻賓率兵駐紮平羅以防北竄並相機進剿

案平羅唐警州宋定州地清初改平羅衛為縣治矣雍正四年又設新渠寶豐二縣後裁
新渠併入平羅其地近名查漢托護寶豐漢方渠宋定州地旋為西夏所據築省嵬城於

此清初設縣即在省嵬城西甯夏府北河側之灘也土地膏腴舊未開墾康熙三十六年
套夷渡河而南四十八年鎮臣始令徙出建縣曰寶豐後設平羅縣丞以寶豐縣改併今

裁併平羅縣故其屬員遼闊密邇蒙
疆過磧口而三聖公即入河套矣

慕壽祺曰盧占魁善用騎兵惟糧枝缺乏與甯軍戰其敗也宜哉然後之號稱師長者僅
索餉需均照萬二千五百人起算及察其人數不過一部道總經耳未幾師長升軍長矣

而人數未之增也今則愈趨愈下一團部組織槍不滿百枝餘皆赤手空拳
倘所謂白戰不須持寸鐵者耶占魁生今之世當與正式軍隊並駕齊驅矣

十二月以檢任職馬振寰為甘肅吏治研究所總辦
時第二屆試驗及格知事分
發來甘與隴人之服官外省

回蘭候差者督軍張廣建設吏治研究所以容納之事研究甘肅邊防實業能見諸實行
者分數滿百即委缺當是時有所謂政客者見人大權在手足以生死人而肉白骨於是
曲意逢迎製造空氣纖利小才幅湊附之廣建以此輩
即四公子門客之流允許入所肄業與知事同等待遇

近之喪盡天良
不待其死而亦
甘願之青年也
所謂彼一時此
一時

慕壽祺曰民國四年正月平涼鎮習兵變二月環縣張九才作亂論者猶以

小桃源解六月後京師籌安會發生甘居邊遠隨聲附和於是河州馬安良代表回族拉卜楞寺嘉木樣代表蒙番以及旅京甘肅同鄉紛紛上勸進表蚩蚩者氓以爲天下從此可以長治久安矣夫治而不求其所以治安而不求其所以安無端取消誓詞製造民意滇南獨立警報飛來洪憲未及改元而八十三日皇帝夢從此醒矣

丙辰

五年春二月以吳攀桂爲新建左軍統領

攀桂准軍宿將隸前清土誠部民國初在山東統警衛軍張廣建撫魯時深知其

爲人及督甘豫匪擾隴南屢電項城總統請飭令攀桂即率所部馳赴金城以資防禦攀桂於民國三年九月至蘭州駐東郊外一里許之拱星墩久之無所事事上言於督軍曰克敵甯亂非兵不濟擲髮將苗非練不可請將內部改組陸軍廣建以籌餉維艱且恐巡防營援爲口實以待來年然後議至是始令攀桂編制新建左軍第一路統帶衛從和營長王繼曾第二路統帶施德華營長甘蘭芳第三路統帶劉朝徵營長劉朝樂統帶均兼帶一營共二千五百一十七名中下級軍官長均在內再一切與右軍同吳統領兼帶騎兵營明年九月又令吳桐仁編制新建右軍共七大營三統領三營長統領吳桐仁兼帶一營駐紮狄道城外大營盤照陸軍編制餉項亦照陸軍章程撥隊十四人一棚餘十二

人一棚四季軍衣及醫藥
柴火價均由公家發

案空同子

慶陽李夢陽之別號

之論曰北之土厚故其人鼻隆南之水廣故其人性巧

近人之言曰北之山多故其人力強南之地狹故其人力單北方風氣剛勁

南方風氣柔弱南軍不宜西北蓋自古爲然矣漢李陵

李廣孫今天水縣人

以丹陽騎

士五千人教戰於酒泉

卽故肅州

後爲匈奴所敗孫堅率江東子弟擊叛羌邊章

至葵園峽

在皋蘭縣東俗稱響水子

卒無功而還明大將軍徐達帥淮北健兒益以開國

諸名將定一戰元將王保保大敗僅以身免張廣建督甘時擬享北之

願爲兵者照北洋兵制編練使居西北高寒地斬成勁旅而懾羣夷惜爲時

間所限吳攀桂所統山東之人多吳純仁所桐河南之人多

幕壽祺曰張廣建持節西來揆文奮武八載勞心和衆豐財九年蓄足養衆

則抒誠效順戎機則防患無形編新建軍置甯定縣綢繆未雨遑聞風其
意氣可謂壯哉是以海水有時飛空而河源之觴不溢帑金有時告竭而積
石之沙仍流議者比朱輔綏一百餘國烏鼠銷聲郭所領五十七番盡沙滅
迹樹滋偉績甯讓古人惟所用盡屬南陽僅遺聲豈平西域欲波澄魚海勇
醫燕城豈偶然哉

三月巡按使張廣建請劃青海爲特別區域

西甯逼近青海青海卽卑禾海蒙古謂之苦若諾爾在西甯之西其地周圍千

里其鹽青其魚黃中有海心山山有寺喇嘛居焉其南通松潘茂州東則西甯河洮西達
西域哈密金山烏斯藏尤近也其北則熱水山祁連山祁連之南則肅甘莊浪矣環海之
地廣野彌漫西北一隅尤屬沙磧其他處則百川之所匯也豐草之所生也華嶺之所通
也明初置四衛於沿海以爲外藩故河張莊涼得寺以無恙也衛之廢則亦不刺爲之亦
不刺敗而藏王頗實據之今之蔓延於青海間者皆其後裔也惟和碩特部蒙古占二十九
旗地方而不相聯絡力弱而不能扼束羌番當此強隣同內地多事之秋青海孤懸天末
若非另起爐竈恐不足以固吾圉而靖寇氛廣建統籌全局防亂未萌呈稱西甯一隅河
湟環帶山峽紆迴據蘭靖延甯之上游當肅甘涼莊之左腋唐宋以來西陲有事恆視西

甯爲安危而青海尤爲重要漢回土番雜處其中蒙古部落僅能自守王樹囊謙等處一朝有警西甯鎮道相隔甚遙雖鞭之長不及馬腹應仿照綏遠察哈爾例劃爲特別區域將海東道移駐玉樹辦理交涉鎮守使駐紮西甯經營青海遷民實邊募兵屯田以及其他說明書調查確實計畫周密原文約二萬餘言均可見諸實行

夏四月套匪盧占魁襲甯夏昭武軍分統馬鴻逵與戰於天池子敗之

先是四年冬甯

夏防軍統領馬鴻賓與套匪首領弓占元戰於科布爾斃匪數百甯軍駐紮五原五原縣名俗稱隆興昌地居河套之中東連薩縣包頭鎮西近甯夏平羅界是年正月初二匪首金占魁糾合蒙匪白彥公等襲五原鴻賓與戰於西山嘴匪不支紛紛如鳥獸散同時盧占魁襲包頭鎮行至公胡加地方爲馬福祥所敗福祥至五原奉令與綏遠都統蕭良臣會勦盧匪以甯軍精銳多在五原後防兵力空虛乘間窺我甯夏鴻逵擊却之

西甯抽番子草頭稅

此番子貢獻之變相也歲收三十餘萬兩解交蒙番官慰使行署

嘉壽祺曰或謂百貨有稅不聞以草頭名豈知立憲國家人人有納稅之義務環青海而居者皆番也番非人民也乎哉當此國體更新邊防吃緊番族既爲青海之主人翁使公僕楊腹從事而不爲之補助於心安乎故歲收數十萬金亦出於不得已也今世界文明國家有抽血稅者矣草頭稅又何論哉

盧占魁犯吳忠堡馬鴻賓追至大寨子斬其鄉導金占奎

盧匪自天池子敗後往橫城希圖渡河比至無

丹可渡欲回後套金占奎曰此去靈武金積不遠司令統漢番之衆以此攻城何城不摧
盧匪曰吾亦欲東耳奈道路不熟金占奎請爲嚮導遂由紫昇堡渡河南至吳忠堡鴻賓
已追及盧匪聞槍聲下令曰官軍來矣速向靈武進行時吳堡附近支渠周匝官道狹
小馬不得馳人亦遲遲其行至八寨子距靈武城十里盧匪先行金占魁被擒鴻賓令衆
首示

幕毒祺曰盧占魁盤據河套漸染夷風淺草平沙千里在日狼山黃河外水不成谷土不
成邱馬肥人輕往來電馳固非甯軍之所長也及渡河而東至靈武所屬草木蒼鬱渠堰
縱橫狹路陡逢駭浪時起行人至此疑惑鐵騎不能馳騁甯軍徒手相搏短兵轉戰此
套匪之所以敗而金占奎之首已懸於藁街矣嗚呼我所長彼所短地利顧不重哉

五月宗社黨呂光據貴德

初有僞忠順公呂光者宗社黨也假皇六子之名號召夏河
一帶初被擊潰嗣後遁跡保安竟於是年夏嘯聚番衆流亡

數千潛據貴德勢甚猖獗時中原多故國體中更異說紛起
戴藩亡命草地與宗社黨陰爲結納僞檄流播搖動日深

六月甘肅減少各鎮騎兵

青海洮州產馬各鎮守使招募騎兵以爲陷陣衝鋒之用月
支馬乾兵餉比步兵加倍督軍陸洪濤研究新軍事學以近

世槍礮日精臨陣者以俯伏擡進爲避擊之術騎兵人馬相依占地愈多且高遂爲衆槍
之的一遇勦敵不惟難於取勝或反足爲累至是議減十分之二所裁餉銀存督署軍需
處以備訓練甘肅陸軍之用

慕壽祺曰甘肅在戈矛時代漢之匈奴唐之吐蕃宋之西夏明之套虜海寇倭擾邊疆往往以騎兵制勝官軍與之戰氣與力兩不相敵其敗也宜哉自西洋火器入中國雖項羽之勇烏獲之力養由基之善射一快槍殺之有餘矣非惟中國為然也蒙古之騎兵亦歸無用最近玉樹之戰藏兵或兩人乘一馬或挾鳥槍駕駱駝其目標不更顯哉

各道舉行縣試

先是項城總統主張考試制度有縣試有道試縣試由各道區考之道試由巡按使者之甘肅按州各道尹駐在所由省城委員前往會同道尹分

場局試其襄校官由道尹聘任之

秋八月前自治籌備處處長張世英卒

世英字育生秦州人也前清之末任渭南縣舉辦新政有聲於時其為政大略在治教合

一教則本身作則自闔門妻妾子女侍婢推之幕友丁僕書差監犯廩養皆令崇拜至聖讀書習禮並為聘請專師署內日課署外事多隔日課之閭閻縣設高小學校二百餘處實傳所一百餘處公暇或以事至則考其功課且為之講演焉治則以鄉職為本村必有長合數村為社社有長數社為里里有正以達於縣而委以息訟防盜積貧勸學各事層層相維故民隱易達官有命令一二日全縣即可傳知息訟之法除命盜大案外凡戶婚田土爭執先投村長處息不服再投社長又不服再投里正仍不服然後准持條呈控防盜之法令每村按戶編牌甲就祠廟公房為守夜所每夜輪派二三人執持號簽梭巡互換時又親自稽察以簽上之號數為傳遞之實驗遇有盜警鳴鑼或擊鐘為號各村聞聲於要路持械伺截積倉之法無論村大小官捐斗粟為母令各戶每年按法存儲本村以備荒歉數年村倉成立者共七百餘處麥積至一萬五千餘石勸學之法村設一校小

則合數村爲之捐集基本金爲學費子弟滿七歲皆令入校校均附設宣講所遇朔望日
教員宣講令村社長率村衆聽之縣中又派宣講員時來提倡世英嘗言鄉民有訟控縣
求理就令得直費已不貲不如鄉鄰處息之爲愈民各有家不能防守俟被盜然後報縣
獲盜十不一二何如輪流看守不被盜之爲愈豐年不知積儲一遇荒年求官賑濟官力
有幾能濟幾何何如豫爲儲備民積民川之爲愈子弟不受教育少壯不聞善言至流爲
匪類貽害鄉里河如早令入學陶鎔感化之爲愈平生學問以誠實不欺爲主修身制行
接物應事內外如一實稟既厚精力兼人每作一事貫澈終始不少變更凡治教各端施
行之始衆皆疑沮非議世英推之以直誠持之以毅力接之以禮況喻之以苦口故能卓
著成效宣統二年前總督長庚奏調回甘襄辦自治世英請以治陝者治甘先從秦州試
辦正在籌畫間適武漢起義事遂中止民國元年秋世英進省清理財政嘗論理財之道
開源當先節流外債疊疊政費支絀不急撙節將屆破產當減兵額減機關減人員減薪
俸整理新舊稅項嚴杜中飽議裁陋規使歲入多於歲出願以無地方之權不能操縱自
如州縣官積習相沿多不明其用意又以其改革陋規私化爲公有礙官囊之入忌之後
卒排擠以去是年八月十四卒於天水里弟陝人懷德感遇用率爲位而哭在三原則哭
奠於清麓正誼書院在臨潼則哭奠於鐵鑪志幸園在興平則哭奠於莊頭愛日堂在滑
南則哭奠於依依亭在西安則哭奠於甘肅會館在甘肅則哭奠於蘭州左公祠擬以明
年正月祭天塋
山之劉家塢

巨國柱執育生先生詩其一云墜緒綿關學民胞物與心詩當鳴國史人待傳儒林廿載
循良績一編觀感吟更饒廣長舌休謂少知音其二云郡縣官聲好晚晴兒亦佳每持堅

忍力能轉命時乖桑梓衰年事叮咛自治懷請將幽雅意耕耨植仁菱其三云祖庭有明訓聞見等新聞繼述孫能嗣身心業已傳柏崖愁老數蘿徑尋小泉未踐斯人約終成抱恨天

慕壽山育生先生殆所謂淡泊明志者歟然地方有人事當道造謠訪詢又未嘗不披肝瀝膽以告也故能流慶桑梓無論識與不識聞其名皆肅然起敬蓋鄉黨無間言矣民國二年春狼匪入秦州縣知事聞寇至先去而不知所往糧秣倉卒未籌賊挨戶搜索人民惶急異常乃乞先生出辦供支此其不得已之苦衷當為隴人所共諒賊退又從而謀孽之謂狼匪進城時先生首插白羽開門迎降寇乎哉及先生殁而秦州有利於民之事無人主持矣

九月甯海軍統帶馬海淵率兵討呂光擒之貴德平

光占貴德後北恃大河南倚羣山將久據以抗復煽惑隆

勝番族甯海鎮守使馬麒令其叔海淵率兵討之時海淵年已七旬矣或以其年老恐未易成功也海淵聞之曰吾雖老叩囊底智足以平之人不留此賊以禍邊疆也已而貴德平呂光就擒解之西甯處以極刑

案秦安舊志呂光略陽氏人光生夜有神光因名自重瞳肘有肉印十歲遊戲畫為戰陣諸兒咸推為主部分之光沉毅凝重寬簡有大量喜怒不形於色王猛見而異之曰此非常人舉賢良除美陽令夷夏愛服遷鷹揚將軍從王猛征討威名大著遷步兵校尉符堅圖西域授光使持節都督帥衆七萬以討西域所經諸國無不降附光至龜茲王帛純拒

之光左臂脈起成文曰巨霸營外夜有黑龍之祥光喜進攻龜茲城西域諸胡救者七十餘萬人皆使弓馬善矛鎗如蓮鏢射不可入光乃結爲勾鏢之陣戰於城北大破之帛純逃去王侯降者十餘國光入其城諸胡貢款屬路光撫甯西域威恩甚著築貽胡王昔所未賓者不遠萬里皆來歸附龜茲既平光有留志鳩摩羅什勸之東還至姑臧涼州刺史梁熙拒光執而殺之因自署護羌校尉涼州刺史聞苻堅被害光奮怒哀號三軍皆縞素乃自稱使持節大都督大將軍涼州牧酒泉公時麟見金澤縣光以爲瑞乃僭稱三河王建號麟嘉遣使朝貢署官自丞郎已下猶攝州皇始初僭稱天王置百官僭立十年年八十卒

慕容祺曰宗社黨之未嘗無人也以腹地稽察嚴不遠數千里至貴德謀舉大事乃託名呂光將所謂殷之頑民者非耶夫前清二百年來待八旗爲極厚八旗之稱世家者今或棄其故主更求仕皇皇焉以全軀保妻子爲得計誰復知宗社之淪亡而所謂呂光者敢逆天命至於糜爛其軀而莫知其真姓氏其心亦良苦矣身敗被擒准以新法律豈非政治犯哉

冬十月省議會恢復 自項城斃法制復活除召集國會外所有第一屆各省省議會一律恢復

新建左軍練大刀隊 左軍統領吳攀桂所購槍枝俱德國造爲甘肅省內外各軍所無而攀桂鯁鯁過慮謂一旦有事雖有快槍無所用之乃令兵士練

習大刀以備短兵相接時迎刃而解使敵兵措手不及人不信